



釋淨土

藏義卷第二十二

盡攝淨
土願

沙門了譽述

別願義一

頌曰 別願有三身土生

攝法身願有三種

光壽無量稱揚等

諸佛功德所不及

義曰自下九頌即是正釋別願義也於中初之一頌釋當門摠標并攝法身願次之一頌攝淨土願後之七頌攝衆生願今即初也於中初之二字別願摠標次之五字別願略釋言於別願中即有其三一攝法身二攝淨土三攝衆生次之一句攝法身願之別標也次之一句是攝法身之列釋也後之一句攝法身

本泉寺

大水天子
金剛力士
不動菩薩
口念陀羅尼
道心子

之嘆德也。義當結文別願者。此是揔標問諸佛別願爲同爲異。若言異者。無上世尊願行圓滿。若少一願即不成佛。故華嚴等意許。一切佛皆發無量無數大願。若言同者。既云別願。何以云同釋迦五百藥師。十二弥陀。六八各各別異。是其義也。余者如何。荅此義難決。或可異也。其義如一邊。但至華嚴等難者。揔別雖異。發願惟同。所謂此佛別願。他佛揔願。他佛別願。各別發願。雖發別願。不離彼此無量大願願行圓滿。故所證是一。所以六乘止觀云。若離我執。證得真諦。

平等之時實無十方三世之異。但本在因地未離我執時各別發願各修淨土各化衆生如是等業以有差別薰於淨心心淨依別薰之力故現此十方三世諸佛依正二報相別之異非謂眞如之體而有此差別之相是故言一切諸佛常同常別古今法余已上
禮序云諸佛所證平等是一若以願行來收非無因緣然彌陀世尊本發深重誓願以光明名號攝化十方大師或可同也就此同義有少分同有多分同有全分同少分同者諸佛發願多分別也故云別願少分亦同故云同如釋迦五百願中有念佛往生願等

是多分同者諸佛發願少分別也故云別願多分同
也故云同即十住論中所明十佛同有稱名不退之
願是多分同也彼論云過去無數劫有佛號海德是
諸現在佛皆從彼發願壽命無量光明炎無極國
土甚清淨聞名定作佛已全分同者如華嚴等說又
今經云發起悅可一切大衆菩薩聞已修行此法緣
致滿足無量大願凡問付全分同句不明若余者何
名別願耶答大經連義述文贊中云問諸佛本誓爲
同爲異異即違華嚴云一切諸佛悉具一切願滿一
切行滿方得成佛故若同者亦違藥師十二大願弥

陀四十八願故答無有一佛少一願行而成道者故
悉同也然以所化之機緣熟不同故藥師於此土衆
生十二大願救現在苦緣既熟故不說有四十八願
彌陀如來四十八願與未來樂緣熟故不說有十二
大願由此諸佛所有誓願雖有宋必遂果而法藏菩
薩所發之願皆有成辦故已上但至南岳今家等釋
且付緣熟說成別願不同義歟云有三身土生者自
下正釋別願數先因辨四十八願生起次正明三種
七重次第言生起者問四十八願自然而發歟亦有
必應先發第一願次發第二願之道理如是次第歟

答必先應發第一願故寂初有此願所以然者菩薩無極大悲見三塗受苦衆生度生願殊深五劫思惟肝膽三塗苦難憐愍故於別願初必先應發第一無三惡趣願縱雖自國無苦衆生若更他國惡趣亦感受苦衆生故次應發第二不更惡趣願不止離苦亦須與樂故次上拔苦願發第三悉皆金色願此乃拔苦與樂次第也不止一兩端嚴亦須衆人皆然故次上顯色願發第四無有好醜願此乃顯色形色次第也旣具外相亦須具內照故次上之願發第五六七八九五通願此乃外相內德次第也於五通中亦有

生起如下正釋旣具五通亦須具勝知勝見功德伏貪計故次上神通願發第十不起想念願此則神通功德次第也不止離邪倒亦須叶正位故次上伏貪計願發第十一住正定聚願斯乃離邪得正次第也不止入定聚亦須見希有事故次上正定願發第十二光明無量願此則勝位勝見次第也不止光勝亦須感壽長故次上光明願發第十三壽命無量願斯乃身光壽命次第也不止光壽無量亦須眷屬無量故次上身命願發第十四聲聞無數願此則能化所化次第也不止聖衆數多亦須長壽久相見故次上

眷屬願發第十五人天長壽願亦是所化之身命次
第也不止長壽不死亦須離諸譏嫌故次上長壽願
發第十六離諸不善願此則利養名聞次第也不止
所化無惡名亦須能化名譽聞十方故次上遠離惡
名願發第十七諸佛稱揚願此則惡名好名次第也
不止名聞十方亦須聞者稱念故次上名聞稱揚願
發第十八念佛往生願斯乃聞響知贊次第也不止
成稱名往生益亦須與臨終迎接故次上生因願發
第十九來迎引接願斯乃修因感應次第也不止順
次迎候亦須遠生果遂故次上現前願發第二十條

念定生願此則順次遠生次第也不止遠近得生亦
須具三十二相故次上順後定生願發第二十一具
足諸相願斯乃誕生具相次第也不止頓具相好亦
須速進位階故次上具三十二相願發第二十二必
至補處願此則具相位階次第也不止自昇一生所
繫亦須供養無量諸佛故次上補處願發第二十三
供養諸佛願此則自熟熟他次第也不止一兩種供
養亦須供養如意故次上供養願發第二十四供具
如意願斯乃供佛供物次第也不止展供徒應無益
亦須得供養德故次上供如意願發第二十五說一

一切智願斯乃親近諸佛增長法身次第也不止內獲
得佛智亦須得殊勝依身故次上得諸佛智願發第
二十六得金剛身願此則能依智所依身次第也不
止身體堅固亦須嚴身光麗故次上那羅延身願發
第二十七万物嚴淨願此則力繼畏莊嚴次第也不
止自身莊嚴亦須見佛樹莊嚴悟忍故次上嚴身願
發第二十八見道場樹願斯乃徒師功德次第也不
止見佛功德樹悟得三忍亦須自得無礙辨彌揚佛
德故次上見道場樹願發第二十九得辨才智願此
則得忍說法次第也不止一兩智辨亦須所得無尋

智無限量故次上得辨才願發第三十辨智無窮願
此則無尋無窮次第也不止正報智辨無窮亦須依
報國土清見諸佛淨土無尋故次上辨才不可量願
發第三十一徹見十方願此乃正依無礙次第也不
止國土清淨亦須所有妙香薰十方故次上國土清
淨願發第三十二妙香合成願此乃嚴體香用次第
也不止國土妙香生菩薩佛行亦須教主光消衆生
三毒故次上香薰佛行願發第三十三觸光柔軟願
此則依正香光次第也不止光觸不退亦須有聞名
法忍益故次上光照柔軟願發第三十四聞名得忍

願此則光明名號離苦得益次第也不止得無生忍
益亦須得百劫住定益故次上聞名無生願發第三
十五轉女成男願此則得忍住定次第也不止離女
質亦須修清淨梵行故次上女人往生願發第三十
六常修梵行願此則離垢得淨次第也不止自修梵
行亦須令他恭敬故次上修清淨行願發第三十七
聞名敬愛願斯乃淨身恭敬次第也不止令恭敬禮
拜須法服自然威儀肅麗故次上敬禮願發第三十
八衣服隨念願此乃敬禮威儀次第也不止法衣自
然亦須快樂無退故次上衣服自然願發第三十九

恒受快樂願此乃外安內樂次第也不止自身內外
安樂亦須見諸土安不故次上受樂無著願發第四
十見諸佛土願此乃自身他相次第也不止自土衆
生具見諸佛土之德亦須他土聞名菩薩具足諸根
故次上見諸佛刹願發第四十一聞名具根願此乃
眼見具根次第也不止得無根缺亦須依勝根得勝
定故次上具諸根願發第四十二聞名得定願此乃
所依能依次第也不止內具止觀自在德亦須外種
性尊貴故次上得定願發第四十三聞名貴家願此
乃內外尊貴次第也亦是三願百劫住定一類次第

也不止生高位亦須具高德故次上尊貴願發第四
十四聞名具德願斯乃種姓德慧次第也不止自具
功德亦須恒見他具功德故次上具德願發第四十
五聞名見佛願此則自德他德次第也不止見諸佛
身亦須聞諸佛法故次上見諸佛願發第四十六隨
意聞法願此乃見佛聞法次第也不止自國聞法亦
須令他方得益故次上聞法自在願發第四十七聞
名不退願此則聞法悟道次第也不止一兩不退亦
須得衆多不退故次上不退轉願發第四十八聞名
得三法忍願此則一法多法淺位深位次第出如上辨才

無窮
兩願亦是三願并是聞法悟道二類次第也又願之
始即譽自國願之終而舉他國恐是自利利他次第
歟云次正明三種七重者三種者一者攝法身有三
願十二十三二者攝淨土有二願三十二三者攝衆
生有四十三願謂除前五也七重者此有二一者對文次
第七重二者義類不次第七重初次第七重者一初
十一箇願是攝衆生是一重也二次二願十三是攝
法身是二重也三次三願十四十五亦是攝衆生是
三重也四次一願廿亦是攝法身是四重也五次十
三願自十八亦是攝衆生是五重也六次二願

是攝淨土是六重也七次十六願自三至四十八亦是攝衆生是七重也次不次第七重者一攝法身願三如二攝淨土願二上并上二重三攝衆生願四十三中而分攝凡攝聖於攝凡願中亦分攝自攝他攝自國願十七初十一及十五十六并前成三重攝他國願七十八十九二十冊八冊九并前成三十三三十七并前成四重於攝聖人中三十四三十五三十六冊三冊四并前成五重攝而分攝聲聞攝菩薩攝聲聞願一冊十并前成五重攝菩薩中亦分攝自攝他攝自國願九冊三冊四冊五三十四十並上成六重攝他國願九冊二冊六冊一四十六冊四冊五并前成六重攝他國願九冊十二冊四十三四十七冊四冊五并前成七重若連名目有十一重親

論其義但是七重間三種七重名目何師所立答淨影懸與義寂智光等諸法師皆有此分文但於一家高判雖無分明分別之釋其義亦明白也所謂玄義云四十八願酬因之身上是當攝法身礼讚云四十八願莊嚴起上是當攝淨土般舟讚云一一誓願爲衆生已是當攝衆生雖然無三種七重細判只是四十八願總合或云酬因身或云莊嚴起或云衆生是互爲主伴義也若作細尺所屬之時三種願相在文分明何無分文佛身淨土攝凡攝聖自國他國願文分明何迷起盡即觀念法門攝生緣中引十八十

九二十三乞願備凡夫得生證是其明證此既以余
餘亦可然但今分文正依願文言兼依智光等釋義
云一般師說攝凡攝聖之分別者依智光等釋一往
解余而再往仰大師高意搜經正旨任宗元意存行
者益尚多攝九所庶幾乎若存此意初之十一及第
十五六八九二十二十一三四六七八九三十三十
三四五六七八九四十四十一三四六七已上三十
六十九願攝凡夫也其餘七願攝聖人也但見經文自
國凡夫悉稱入天他國凡夫皆名衆生於自他國聖
人皆號聲聞菩薩而今何說菩薩之願文猶屬攝九

專似不知起盡云若會此疑菩薩之言通凡夫人衆
生之名亦該聖人且如第二十六那羅延身願者彼
國人天既具六通何不得此益又如第四十三生尊
貴家願何被聖人依本論說三賢菩薩尚自具此德
何用佛願爲又如第二願願云人天至成就文而說
菩薩第四願及六并與第十五亦復余也又第二十
一願何隔菩薩故異譯云菩薩又如第三十七許攝
凡願而願文六修菩薩行此寧指聖故再往其詞不
局歟順理求須專濟凡而諸師解不可不會所謂經
言或依正意而云人天或表勝機而言菩薩付此文

言一往消釋未及盡理况懶興釋第二十七願說人天云攝菩薩淨影同之斯乃不拘文言明據也又如道場樹願文云菩薩成就云人天而諸師多云攝菩薩是不盡釋此等願益被凡夫義粗見要集已上法有一般師破云准立義趣者有攝凡減少之失也謂准攝聖中十二箇願亦通凡故所庶幾者攝凡中十四箇願第三四及六通願第亦可通聖人此等願益定可在聖人還非所庶幾耶若爾者猶攝凡減少亦亂本願現文似失宗正意如何若言彼十四箇願不通聖人等不應理也所以者何彼土聖人不金色

耶又有好醜耶又都不具六通耶又有不善名耶又他方菩薩歸弥陀時世人不敬耶又彼土菩薩不得法服耶又不受樂耶如何餘三願汝云通菩薩故還攝聖願多爾者非所庶幾也如何但至興師釋第二十七願云菩薩者彼隋多分而摠標歟未必正證耶又至道樹願成就云人天者願文本自通凡聖少功德者可通凡夫故成就文非相違亦非明據已上聲前一般師重立云今任大師素意探尋往深義況非無其證一成就丈且如第二願文云人天成就證菩薩黑引宿命天眼等願亦復同之二異譯經文大阿

上云人天今云菩薩而第二十六經云菩薩興師許
許彼此機齊同靜照義通凡夫義澄憲意同況以莊嚴說此願之文黑谷判
證往生人身量第二十七經云人天淨影六遂攝自
國衆生願已上此許聖人興師云攝菩薩願已上第二十八願
云菩薩乃至少功德者成就云人天興師云攝菩薩
願淨影亦同其詞互通數第三十六經云菩薩遠興
共許凡夫歟靜照亦同第四十願遠意許凡歟第四
十七願意許凡歟釋加力不退故第四十八大師判
凡歟釋此願成就云地前地上云無二元無二者指一種凡夫何況汝所依憑智
光師釋第四願云就人天願亦云謂諸菩薩皆金色

已此師且付今詞一往雖云人天其義通故亦釋菩薩下去皆余即第五八九十五第二十一七願釋同之又第三十一二兩願同云攝菩薩願故知此師凡聖分別一往未盡不可守彼歟又第三十四願云往生作聖願私云經文不說往生此釋不依文言明據又汝所立依理背文之例有之且如第三十四願文云衆生而許菩薩益一亂經現文二背諸師釋遠興俱許攝凡願故三違先德解智光云就人天故四破先達義澄憲許凡故何欲成立自義之時恣亂父皆義違釋而於他依文理并異譯強以怨責已上法光院重刊後一般師云此等文

理未遶本難汝云現文及智光等釋定凡聖之上勘集通凡文理攝凡願多故行者益多故所庶幾也云今案道理如攝聖願通凡亦攝凡願可通聖其文如所汝勘今亦加云第二第三十四此兩願異譯願文云菩薩又第十九願大師釋通聖故若以理求者第十九足第十六不善神第十六不善並可通聖其理應知第十八願亦可通聖三賢菩薩可有念佛往生理故凡聖通文理如此然今何但折取通凡之邊爲所庶幾而不願通聖邊非所庶幾然今依願文并智光等釋分別之時決定攝凡多攝聖少則叶大師素意顯宗元意行者益既

多豈非所庶幾乎此難若冇理還失宗旨須順經現
文也已上
西樓破今云二師俱是一流賢哲難弟難兄雖
訖夫取捨今所記釋宜同後義但堅不與所益者還墮
偏謂三種既互通用而成主伴義七重何不與力若
約通用凡聖亦無失若約願表自他國異今經異說
本願成就各據一義并不相違人師偏釋用不依時
若堅執一義俱墮偏失歟委如下釋攝法身願有三
種等者自下三句并釋攝沙身願光壽無量等者無
量之言通光壽二云光無量者第十二光明無量願
也亦名佛光無限量願文云光明有能限量下至不

照百千億那由他諸佛國者不取正覺已問依同性
經弥陀是初地佛也何云光明無量耶答有餘師說
對穢土佛常光有限量短促卑小且云無量若望二
地可云有量若并同地可云等同未必然也向無限
願何遂存量今案此義有二無量一內證無量二別
願無量初內證無量者報身自證遍滿十方身光無
量相好無邊佛佛平等雖俱無量佛佛無异各照各
化何云有量但至初地佛文者彼是令機昇進後分
教中自力一途之施設也何抑佛佛平等更無異路
義况彼既是佛果十地縱雖初地何實是劣二地已

上果後方便故具如後分教義云二別願無量者於
內證平等上依願而立勝劣彌陀既是別願所成光
明也。何不勝諸佛光明耶。說彌陀光明而對照于七尺
一由旬乃至百千由旬照一佛刹土乃至照十方恒
沙佛刹光明即云無量光何偏云對穢土劣佛耶平
等覺經上說第十三願當此云我作佛時令我光明
勝於日月諸佛光明百億萬倍已大阿彌陀經上說
第二十四願當此云頂光絕妙勝諸佛光照無央數
絕冥之處見者慈心作善皆生我國已此乃常平等
之上所立常差別別願既對諸佛豈不於平等

之上尚勝耶况同地佛何況劣佛報佛所證平等是
一若以願行來收非無因緣然彌陀世尊本發深重
誓願以光明名號攝化十方云異譯兩經其文分明
勿致疑耳故此之尊號百光王佛願成就云無量壽
佛威神光明最尊第一諸佛光明所不能及已上十
文壽無量者第十三壽命無量願也亦名佛壽無量
願文云壽命有能限量下至百千億那由他劫者不
取正覺已通贊下云捨兩重生死獲五蘊常身悲願
無量何盡况又殺業久亡壽命過遠也已問觀音授
記經云阿彌陀佛壽命長久地藏求劫亦有滅度已

余者如何云壽命無量耶答有餘師說謂實有量而
言無量如阿彌陀已上天台未必然也由不解經令佛壽
短又亦不知報佛壽命入不入義大大師釋云自證
入理後入涅槃其義無妨已上西河釋云對機入滅此
是如來休息隱沒相非實滅度也已上又云念佛終益
彼經亦云有諸菩薩得念佛三昧者常見彌陀現在
不滅已上願成就云無量壽佛壽命長久不可稱計等
已上繡揚者是第十七諸佛稱揚願也等著向上文云
十方世界無量諸佛不悉咨嗟稱我名者不取正覺
已上問被諸佛稱揚有何要發此願耶答若讚嘆繡彼
上問被諸佛稱揚有何要發此願耶答若讚嘆繡彼

如來若聞名號光明智相衆生應念如來名號是故
發此稱揚願此則成於下願由致云諸佛功德所不及者此是結文光明名號智相過於諸佛故云不及光明者上願成就云諸佛光明所不能及已上名號者般舟經云三世諸佛持是三昧成等正覺已上佛最大乘此得故知本願名號攝生諸佛名號所不能及已上台師止云若唱彌陀即是唱十方佛功德正等但專以彌陀爲法門主已上即其義也智相者大阿彌陀經上云某作佛時令我智慧說經行道十倍於諸佛已上論云稱彼如來名如彼如來光明智相如彼名義欲

如實修行相應故上光明名號智相既過諸佛況餘德乎故云諸佛功德所不及亦是常平等上別願不及已上攝法身願卑

及已上攝淨土願

徵見十方妙香合

頌曰攝淨土願有二種

別願所成莊嚴故

超諸佛刹最爲精

義曰此之一頌攝淨土願於中初之一句總標次之
一句別而列有二種之願後之二句是嘆德也徵見
十方者第三十一願亦名土如明鏡願高祖文云國
土清淨皆悉照見十方一切無量無數不可思議諸
佛世界猶如明鏡覩其面像若不爾者不取正覺已

所現之土淨穢土中是何耶答局淨非穢斯乃國
山清淨現無量土如因陀羅網出過思議妙香合者
延第三十二妙香合成願也亦名香薰十方願亦名
莊嚴切總願興文云自地已上至于虛空宮殿樓觀
池流華樹國中所有一切万物皆以無量雜寶百千
種香而共合成嚴飾奇妙超諸人天其香普薰十方
世界菩薩聞者皆修佛行若不如是者不取正覺已
斯乃極樂妙香說佛法願也願成就云流布万種溫
雅德香真有聞者塵勞垢苦自然不起已別願所成
莊嚴故等者自下二句是當結文所云別願總通六

八大師云。四十八願莊嚴起。超諸佛刹最爲精。已上禮讚
天台法語六。四十八願莊嚴淨土。華池寶閣無非願力。已上
人釋云。四十八願莊嚴淨土。華池寶閣無非願力。已上
靈應上
釋別句上之攝淨土願專是莊嚴淨土願故。超諸佛
刹最爲精者。問華嚴經云。極樂淨土初門已隨願往。
生經云。十方淨土實無差別。已今經云。令我作佛國
土第一。比相違如何。答就諸土與極樂而有劣等勝。
三義劣者約未斷九夫生等者約內譖平等勝者選
擇攝取莊嚴也。各據一義三說共存。悉退所被。并不
相違。問三義中何爲正耶。答有一往再往。一義二往。

而言之。三義共佛說。各不失機緣。何論傍正乎。但依
宗意。再往論之。勝義爲正。所謂淨土超諸佛刹。彼華
嚴中。而爲凡夫大根性者。且說菩薩昇進門意。自力
一途之施設也。故斷煩惱人所生淨土。尊最上。未斷
惑人所生之土。劣最下。然安養界別。願不共攝。凡
令生是。故未斷亦生。若如實說。未斷雖生。極樂最勝。
斷惑昇進。自力教門皆以破矣。他力機根以未熟故。
約能生機。未斷劣弱。且說初門。然佛意之邊。即有最
勝也。龍樹菩薩批判下劣土故。亦此意也。又隨願經
中。少分而就他力根機。猶通十方用心容預也。故經

題云十方淨土隨願往生經不顯別願且約內證說
平等也然佛意之邊亦有最勝也慧思大師大乘止禪釋
證得真諦平等之時實無十方三世之異我宗大師
判諸佛所證平等是一十方淨土皆嚴淨等亦此意
也又今此經中遂其諸佛出世本懷而爲純一西方
之機開演他力無方大乘未斷凡夫直生高妙清淨
之土所生之土二百一十億諸佛刹土中之所選擇
清淨莊嚴佛意最勝此特顯彰等劣二義但是機情
龍樹大士論判令選擇淨名之國以自莊嚴其國慧
思大師釋但本在因地未離我執時各別發願各修

淨土各化衆生我宗大師判若以願行來收非無因
緣然彌陀世尊本發深重四十八願莊嚴起超諸佛
刹最尊最上無比等此即名爲義類次第未必是關
年月次第問若余者待今經時應說如是佛意最勝
何苟說彼最劣平等答最勝之義是釋迦佛因位本
願悲華經云願我來世菩提時宣說彌陀佛功德法門
若不爾者不取正覺已爲遂此之本懷故出世成道
故雖最初應說淨土法門然而機情未熟是以說聖
道門尚以不可忘本意故因明淨土恐盧斷證次第
機故云最劣中間處處或勝或劣隨機說之於中以

淨機漸純熟之時節。雖偏說淨土法門，機緣未收。一土故說平等是猶不局狹。故未遂本願。今此經時靈山王宮孤獨苑中跳出次第容預之機情。開演橫超橫截之本意。隨緣機根初後無漏。三佛本意淺深有次。已上攝淨土願畢。

釋淨土二藏義卷第二十二

釋淨土二藏義卷第二十三

盡攝凡夫之中
攝自國第十七

別願義二

沙門了譽述

頌曰 摄衆生願大分二 摄凡夫及攝聖人

頌曰 摄衆生願大分二 摄自國願有十七

義曰自下七頌攝衆生願也於中今此一頌是其標文於中初之一句。摠標攝衆生有二句。之二句。別標攝凡攝聖二名次之一句。亦是別標攝凡有攝自國攝他國之二後之一句。復亦別標於攝自國中有十七願也。

頌曰 無三惡趣不更惡。悉皆金色無好醜。

宿命天眼及天耳。他心智通及神境。

義曰自下二頌攝九夫中攝自國願一十七種之列尺也於中今此一頌先尺九願而已無三惡趣者是第一願也文云國有地獄餓鬼畜生者不取正覺已問今此願者即是自國無苦之誓尤應是攝淨土之願何云攝衆生願耶答若三界門之時即是依報國土若五趣門之時正是正報衆生今依五趣門故屬攝衆生願言願無三塗之衆生俱舍願第云於中地獄等自說名五趣唯無覆無記有情非中有上光云五趣唯是有情趣攝不通外器以此外器亦容五趣

共受用故還成雜亂比彼爻言地獄等者等取傍生鬼及人天趣也故云自說名五趣唯無覆無記者取異熟無記若通善染趣即相雜故云唯無記有情者取能居有情不取所居土國土五道雜居難屬一趣故五趣門不取也故云有情非中有者中有是能趣五趣是所趣若五趣門之時取所趣有情果縛之躬而已故云非中有也人間心品善惡心雜故難定何趣故除善染也除外器者具如記文故知若三界門時從金輪際至于他化自在天合云欲界也上果知若五趣門時而除善染外器中有但取異熟果縛當軀

今言三塗是五趣門意是故此願攝衆生攝問人天
亦是流轉形質何局三塗願無之其上瑜伽論云清
淨世界中無奈落迦傍生餓鬼可得亦無欲界色界
無色界亦無苦受可得純菩薩僧於中止住比於彼
界中何有人天如何若因順此界三塗極苦人天善
趣故且選擇但至有人天趣之難者實非有人天趣
但是因順餘方之說此則顯五乘齊入願故願成就
云亦無地獄餓鬼畜生諸難之趣上已不更惡者是第
二不更惡趣願也文云國中人天壽終之後復更三
惡道者不取正覺上問下有人天長壽之願若彼長

壽不更惡趣其理絕言如何若長壽約自國人天長
壽於此之中而有修短自在之誓若彼隨意自在短
命之者爲有重更惡趣之理此則雖自國無三惡若
可有更他方惡趣故有此之不更惡願則如壞劫之
時雖無惡趣定受業人而置他方三惡趣是也俱舍
論云諸有地獄定受業者業力引置他方獄中由此
准知傍生鬼趣比今亦如是云願成就云此菩薩乃
至成佛不更惡趣上悉皆金色者第三之願文云國
中人天不悉真金色者不取正覺上問於具三十二
相中有身色金軀相此願無要歟答惣別既異爲兩

願無失。况金色未必具相。如飲光尊者。并金色女等。
者是其類也。故先願別色後願。惣相願成就云。具足
如是清淨色身等。上觀經云。行者身作紫磨金色。上
無好醜者。是第四無有好醜願也。願文云。國中人天。
形色不同。有好醜者。不取正覺。上此二願。如其次顯
形色之差別也。願成就文云。神通洞達。咸同一類。
色形色之差別也。願成就文云。神通洞達。咸同一類。
形無異狀等。上宿命者。是第五宿命通願也。自下即
是五神通願也。問五通次第。何違常途耶。答未見解。
釋相傳云。是約得生已後。至于他方供佛利生次第。
歟。供佛眾生因緣。可爲元利生亦宿世恩所。可爲

先能知此事。宿命通力也。依之先願之已知宿世恩
所者。可知其在所。若不得天眼者。豈知之耶。故次有
天眼通願。見其在所了。可聞其聲。知所念。若不得天
耳通者。豈得聞耶。故次有天耳通願。但願文云。百千
萬億耶。由他諸佛所說。不悉受持者。雖然所得。天耳
獨不聞。種種楚毒之音耶。例如六根淨人。聞在在世
尊之聲。益上求菩提之願。聞種種楚毒之音。催下化
衆生之心。相似之人。既以如此。淨土之人。豈不尔乎。
雖聞聲。若不知他心者。妄難知心品。故次有知他心
願。以此通力。知衆生種種性發。可化之。假令雖辨其

楚
讀今云
利文
音

性欲身不到其所者。豈得親近供養現身說法耶。故次有神足通願約此次第故不相應常途說也。夫於穢土得五通事四根本定而爲依地。若發第四定之五通緣至欲界及以四禪依第三定之通雖緣已下諸地不緣第四禪乃至依初禪定之通不緣二三四禪故俱舍頌曰五依四靜慮自下地爲境上又緣現在四通凡夫緣小千聲聞緣中千支佛緣大千大覺緣無邊緣過去宿命通。凡夫二乘同緣八方劫也。佛亦無邊劫也。然今五通百千万億那由他殆等諸如來全同大菩薩乘不思議願力故也。既不得四靜慮

定不斷五住地惑自然發得通力。豈乘願力不思議耶。因論生論何故五通之中緣現在四凡夫二乘而俱不同知過未宿命通者。凡夫二乘同八方劫耶答神泰疏云現在鐵圍山障隔故凡夫二乘知墳別過未無山障隔故凡夫二乘同八万也。上問何故凡夫二乘宿命通唯知八万劫耶答即如三界業力者非想極八万二乘有限力亦極知八万如來無導力是故知無邊也。詎又智度論云大辟支迦羅緣百佛世界已上俱非今意具如上昔薩義。

頌曰不起想念住正定人天長壽離不善。

具足諸相。万物嚴。衣服隨念受快樂。

義曰此之一頌述八箇願。前九願成十七種無結
文者是頃略也。不起想念者是第十願也。文云國中
人天若起想念貪計身者不取正覺。已問想念貪身
是何物耶。答懼興疏云此第六願得漏盡樂爲一。此
初漏盡也。想念者即所知障貪身者即煩惱障。盡二
障漏故。已問此師言此第六願得漏盡樂等與今得
名同異如何。答異也。夫漏盡通斷煩惱所得通也是
修得而非生得。何云第六通耶。義寂法師名漏潔不
起與今意同。彼疏云此是漏染不起非必是漏盡通。

此必從修而得不通生所得故前五通者皆通生得
及修所得。此中所說多是生得。說生彼國皆得故。已
澄憲法師云願尺四十八興師判此願屬漏盡通專不可
也。漏盡通者無學所得也。豈生極樂者皆忽無學聖
哉。九品階級大以相違。生彼土已經劫數始有須
陁洹如造逆之人纔雖往生十二大劫蓮華不開敷
以前。凡夫不可疑。寂師釋應理但是彼土人緣妙境
故令心適悅。不為貪著。是彼土不共德也。又則清
淨願力所成也。例如北洲人雖是異生不起我執彼
國人天亦復如是。未斷結漏而無貪著此願來意既

有其意。比或可漏盡通願。亦無過失。不染盡漏。名別
義同。興師所判。其理顯然。又淨影師云。第十漏盡通
願已。但至必從修得之難者。速疾修得。大師釋云。三
明自然成佛願。已既屬佛願。豈非此願自然之言。速
疾。義也。^云願成就云。於其國土。諸有万物。無我所心
無染著。心去來進止。情無所係。無彼無我。無競。無訟。^{多言}
於諸衆生。得大慈悲饒益之心。等已住正定者。是第
十一住正定聚之願也。文云。國中人天不住定聚。必
至滅度者。不取正覺。已懼興法師名漏盡位願。彼疏
云。此漏盡位也。十信以去。皆名正定聚。此言往通正。

豆當毛弓羅。乞者十信當者三寶の至事里。

當之言也。比未必然也。問正定聚者。是何位耶。答願
成就文雖云。生彼國者。皆悉住於正定之聚。未云何
位。然於大小乘經論之中。異說不同。且俱舍頌云。正
邪不定聚。聖造無間餘。上言初果已上盡三界。見見
四諦理。一入見道。不還。凡夫名正定聚。五逆罪人。決
定墮於無間獄中。是名邪定聚。不造五逆。不叶聖位。
自餘九夫。云不定聚。遇緣不同。昇沈不定。故名不定
聚也。云具云。正性定聚。言正性者。是涅槃也。定者遠
離一切惡。故名爲正定。盡煩惱故。名爲正定。云若依
大乘。元曉云。一闡提人爲邪定聚。二乘頂位以上菩

薩初發心住以上判爲正定若已趣入未至其位爲不定聚決定不退善根無斷如是名爲正定聚比又釋摩訶衍論第一立三三定聚一邪定聚以信前二二定聚三正定聚三賢又一邪定聚及十信前二不定聚三賢三正定聚無上又一邪定聚以信前二不定聚三賢三正定聚十聖雖有如是等三義本論約第一義而立地位諸大乘論等皆順之也問何故十信以前名邪定聚耶答流轉凡夫故也問何故初住已定聚耶答或進或退故名不定聚也問何故初住已上名正定聚耶答無上菩提終不退轉故名正定聚

也問今言正定聚者是應攝何義耶答難知若約處不退於信前尚立正定聚之名小經說衆生生者皆是阿鞞跋致慧心略記釋阿鞞跋致即處不退群疑論六云初往生時即名不退此約處不退也已處不退者從總恩要突出於諸宗中曾不談之處也但於當宗談之云若約位不退者三賢名正定聚大師釋云證得不退入三賢已但今願文叶處不退義位未正定聚其德全等正定聚或十信或信前依願力生彼土一形十念修行即當彼十信一方劫修行此則難思本願也安樂集群疑論等存此意云澄憲法印

云一趣苦輪適生淨國如來願力也縱雖往生若再退還生死者如謬入仙家爲半日客三尊迎接一夢喜悅歎小阿彌陀經云皆是阿鞞跋致此經云皆悉到彼國自致不退轉上問願文即云不生定聚必至滅度依之或師名必至滅度願所言滅度者指小乘涅槃歟亦指大乘大般涅槃歟答異義區終成一義若云小乘涅槃則所簡滅度也言不生正定必至滅度之意也淨影等師即存此義云若云大乘涅槃則所期涅槃也言不住正定聚及必至滅度之意也不字可立正定滅度之二但付之亦有其二意若依相

宗意立三乘滅度然而以菩薩乘涅槃為本意義寂等師即存此義云若依性宗之意非三乘滅度唯佛乘滅度也是正當宗之意也云問若性宗意二乘滅度可無之歟答究竟而言之者二乘滅度無之法華經云不令人獨得滅度皆以如來滅度而度脫之比勝毘經云聲聞緣覺皆入大乘大乘者即是一乘得一乘者即阿耨菩提阿耨菩提者即是涅槃界涅槃界者即如來法身比今經云會當成佛道廣濟生死流上間實無一乘滅度者何故說之耶答佛說二乘滅度教門方便也經云善立方便顯示三乘等比

若聞成佛之旨不信而可墮惡道故令聞二乘滅度也其後說大令迴心爲菩薩也如法華三周聲聞涅槃五果迴心并淨土本願所乘聲聞等是也問今滅度者可無上涅槃其謐如何答寶積經云若不決定成戒等正覺證大涅槃者不取菩提比大阿彌陀經云諸天人民皆令得佛泥洹之道比龍樹云往生不退至菩提比大師二乘心不生料簡源依此願等玄慮西何井有此意願成就云生彼國者皆悉住於正定之聚所以者何彼佛國中無諸邪聚及不定聚比人天長壽者是第十五願亦云眷屬長壽願文云國

中人天壽命無能限量除其本願修短自在若不尔者不取正覺比凡諸佛化儀不一準或有教主長壽眷屬短命如華光佛是也或有教主短命眷屬長壽如月面如來等是也或有教主眷屬共短命如此釋迦佛是也然彼阿彌陀佛願教主眷屬俱長壽然於佛有種種利益或隨類遍通義隨機隨緣是應化身化儀也今此彌陀報佛利益然則形色等壽命齊只光明不及于佛云問此願本意如何答衆生依殺生業受短命報恩愛別離愁惱無盡菩薩哀此苦立此願問除其本願修短自在比設菩薩意樂不同何於

淨土可命終耶。答既菩薩意樂也。何尋所以耶。智論云。從一佛國至一佛國。淨佛國土。成就衆生。已爲之現。命終歟。難云不改身而可立此行。如何。答菩薩意樂也。彌陀既發意樂願。餘菩薩不可遮願故也。重難云報土儀式。本身居本土。遍滿十方。何有命終意樂耶。答此願自此報土生他報土。非所難之意也。非生現生。有利非滅現滅。有益強。無難歟。難云非滅現滅穢土化儀也。淨土菩薩何有爾耶。答不可有而有。是本願也。如彌陀念佛往生願。背常因果道理也。示尋云除其本願等文。寶積悲華即同今經平等覺經及。

大阿彌陀并莊嚴經等即無之矣。相違如何。答譯人既異。所見各別。或可於諸譯中。若同今經。即為正本。諸師造疏多依此譯。是冥護正本故也。願成就文云。殞闡菩薩壽命長短亦復如是非算數辭喻所能知也。離不善者第十六遠離不善願也。慳興法師名離譏嫌願。文云國中人天乃至聞有不善名者。不取正覺上論云。名者亦有三種。非但無三種耳。乃至不聞二乘女人諸根不具足人名。無此三種名故。名離名譏嫌。上註云由國濁故分一說。三。是故願言使我國土皆是大乘一味等味。根敗種子畢竟不生女人殘。

歎名字亦斷是故言大乘善根界等無譏嫌名已然
有門人長樂寺義云今不善名者無實之名所謂釋尊得
妄語之名離越蒙盜贊責身子亦得犯婬之名等
是也亦未必然也彼國人天想念貪身即永斷絕何
有虛名之失乎此則非但無三塗惡人等之躰亦無
如此惡不善之名也論主委細判之非依此願亦言
依何又寶積經云無有不善之名莊嚴經覺經云無
有惡人名悲華經云無女人及不善名分陀利故
龍樹禮云彼尊佛刹無惡名亦無女人惡道怖至無
有諸趣惡知識上文言顯智也義理亦無覆藏云問

於淨土中何不說惡道生死等報故大師釋云或說
三塗長劫事上余者何云無惡名耶答下文云覺動
菩薩大悲心已今所蘭譏嫌之名也爲化他說利生
名也何云惡名何況他方之惡名也非彼土中之惡
名願成就文云無有三塗苦難之名但有自然快樂
之音上小經云彼佛國土尚無三惡道之名何況
有實上具足諸相者是第二十一願也亦名具三十
二相願文云國中人天不悉成滿三十二大人相者
不取正覺比丘聖道門意論真定三十二相聲聞藏
中至佛果初得之也所謂三祇滿化他行百大劫殖

相好業生天下天託胎等前五相唱了後唱成道相
之時於菩提樹下起斷治非斷治之無漏押前有漏
斷煩惱乃至斷有頂地九品煩惱八忍八智斷三界
見惑九無導九解脫位斷非想思惑於中有頂第九
品坐金剛喻定斷其最後一品於第九無礙道既斷
最後品於解脫道種智依身而來生藏現在前時一
切諸自行化他功德法門皆悉來集得盡智無生智
也識身相依一處而住故心智具足身成嚴淨而得
三十二相端嚴微妙相好也云若菩薩藏意者華嚴
經云初發心時便成正覺起信論釋信成就發心

云能現八種利益衆生已此等之說初住已上具三
十二相通途經論明初地已上能具相好云今此淨
土得生衆生不殖百劫業因不斷五住煩惱任運生
得相好此則奇特願力不可思議方便云問文云三十
二大人相上其意如何答是三十二之大人相故依
主尺也所謂三十二相非常三十二相即是大人所
具相也大人者佛果也聲聞藏意論三十二相勝劣
明昧不同也言輪王相好俱舍頌云相不正明圓故
與佛兆等已今經之中明彼土人天以第六天王比
無量壽國菩薩聲聞等如比乞丐於輪王尚甚三十

二大人相願故越輪王勝獨覺等佛相好非是甚深不可說本願乎問若爾者何故觀音觀云其餘身相衆好具足如佛無異唯頂上肉髻及無見頂相不及世尊^已觀音已二相不及如來說其餘人天等耶答今云大人相者對輪王獨覺云等佛相好也若對彌陀時何無優劣乎設等二菩薩豈非不思議本願乎願成就云其有衆生生彼國者皆悉具足三十二相比万物嚴者第二十七万物嚴淨願也亦云嚴淨無量願亦云万物殊特願懶興名光色特妙願也文云國中人天一切万物嚴淨光麗形色殊特窮微極妙

謂陀

聖教

爲最無能稱量其諸衆生乃至遠得天眼有能明了辨其名數者不取正覺^已義寂云此願能得四種功德謂量形種種事觸^已問文云一切万物嚴淨光麗^已應是攝淨土之願依之有人屬莊嚴淨土願故要集云^已一百一十億諸佛淨土之中最尊第一窮微極妙^已答文既云國中人天一切万物等願成就文亦云人天等豈非攝衆生乎故淨影疏云遂攝自國衆生願^已上懷興云攝菩薩願^{已上但有子細}何云攝淨土願乎但至要集文者窮微極妙之言雖同此願文言何必定此願釋攝淨土之願最尊第一言說佛身之文故此願

應云攝法身之願歟只是讚嘆淨土可引用光明最尊第一與此願窮微極妙問大阿彌陀經云阿彌陀佛諸菩薩阿羅漢所居七寶舍宅中有在虛空中者有地者欲舍宅最高者即高至皆自然隨意在所作爲中^元有殊不能令舍宅隨意者所以者何皆是前世宿命求道時慈心精進益作諸善不慈心精進益作諸不善諸所衣被飲食俱自然平等德大小別上與今經相違如何答或曰此是如來激逼之說爲令此方人勤修慈心諸善歟或可若是說胎生邊地之咎歟或可恐是譯不正歟諸師多依此譯造疏此謂也

願成就文云無量壽國其諸天人衣服飲食華胥瓔珞諸蓋幢幡微妙音聲所居舍宅宮殿樓閣稱其形色高下大小乃至又以衆寶妙衣遍布其地一切天人踐之而行等此衣服隨念者是第三十八願也文云國中人天欲得衣服隨念即至如佛所讚應法妙服自然在身等上問衣服者有何差別耶答衣者是衲也具足兩袖服是裳也具足裙子問應法妙服者何衣服耶答應法妙服者亦云如法衣或名糞掃衣或名慚愧衣復曰割裁衣復曰福田衣此則袈裟讎名也亦翻功德衣然以離欲為僧法衣故諸佛讚嘆功

德故云如佛所讚應法妙服也問自然在身者何義耶答文云若有裁縫禱滌浣濯者不取正覺此是自然之義也凡色界之天人云色圓滿有衣故自然在身妙衣而非法服如彼商那和修衣雖生得色微妙滅度朽損表佛法澆薄之相又如鮮白比丘尼生得衣從胎內著生隨其成人相應身長盡溫煖而重夏冷涼而輕晝夜不離多年不汗最後死時以此衣纏屍葬送以如是等^三云自然法服未妙衣也尚是分而不及安養法服彼界衆生四十一地瓔珞不調自莊金剛不懷之腐^三方行諸善妙服不求亦懸功德法

身之肩自然應法之妙服無裁縫禱染之煩大聖難思之願力非調機洗濯之費今案此意以四句分別一自然妙衣而非應法服謂色界天人所著衣二應法服而非自然妙衣^三比丘^{比丘尼}自然妙衣^三比丘^{比丘尼}自然妙衣服也^三應法服而亦自然妙衣^三比丘^{比丘尼}自然妙衣服也^四非法服非自然^三比丘^{比丘尼}自然妙衣服也問自然衣者生得衣也何故大師尺或云法侶將衣競來著或云觀音勢至與衣被耶答難測或云法侶與衣是與自然無作法衣故無失數或可自然生得之上亦加法侶與衣數云問上万物嚴淨之外何煩立此願耶答上總今別故爲二重例如第三願與第二十一

願云願成就云其諸天人衣服飲食等受快樂者
第三十九常受快樂願也興師名受樂無失願亦名
受樂無染願文云國中人天所受快樂不如漏盡比
立者不取正覺比夫極樂聖衆雖受不退快樂住無
想之心永無樂著如漏盡證果聖人澄慮法印云穢
土快樂皆是麤弊也亦不如意得難失易初樂後苦
凡夫著之猶如塵著膠著初樂不知後苦受少樂又
遇多苦如洗癱即樂煮疥而悅何著之何耽之如彼
淨土者受三禪樂無一念著如漏盡比立豈不於之
乎上寶積經云心淨安樂比淨之言所顯無著心之

義也問漏盡比丘者是其相如何答此是諸漏已盡
無復煩惱羅漢也問漏者其軀如何答俱舍云泄過
無窮煩惱名漏上成實論云癡人造業開諸漏門上
漏者譬也器有次第則入之物漏失不留煩惱不盡
則身器之中善根清水漏失福慧不留也而諸無漏
之羅漢真諦法性水不漏逮得已利善根不迷悟我
生已盡梵行已立所作已辨不受後有四智究竟三
明證得備應供德雖受諸施於施物求無所著之心
俱舍頌云梵行已成立聖道已善修壽盡時歡喜猶
如捨衆病比故以漏盡比丘譬淨土人天雖受諸樂

無著心也。問此喻分全之中何耶。答是分喻也。大乘無漏快樂何。全同小乘乎。只是以樂至極且以為喻也。云願成就文云。塵勞堵脣自然不起。風觸其身皆得快樂辭。如比丘得滅盡三昧已。又云於其國土所有万物無我所。心無深著。心上已上攝自國十七種願畢。

釋淨土二藏義卷第二十三

釋淨土二藏義卷第廿四

攝他國第十三沙門了譽述

別願義三

頌曰。攝他國願有七種。念佛往生第十八。

來迎、係念、觸光軟、得忍、轉女、及愛敬。

義曰。此之一頌。釋攝他國之願七種。并前攝自國之十七種。以成攝凡夫二十四願。於此頌中初之一句。是擗標也。次之三句。是正釋也。然結文之言。是頌略也。念佛往生第十八者。諸師名十念往生願。未必然也。文云。十方衆生至心信樂。欲生我國乃至十念。若不生者。不取正覺。唯除五逆誅謗正法。是正願生。

因至心等者是三心也亦是南無十念者是行體也
即是南無阿弥陀佛也故大師云若我成佛十方衆
生稱我名號下至十聲若不生者不取正覺彼佛今
現在世成佛當知本誓重願不虛衆生稱念必得往
生已選擇集云諸師別云十念往生願即其意不周
上云云云云云云云云云云云云云云云云云云云
所以者何上捨一形下捨一念故也善導云念佛
往生願即其意周所以者何上取一形下取一念故
也比問以至心等配當三心其義如何答至心者至
誠心也信樂者深心也欲生我國者迴向發願心也
難云樂欲之異名尤可云第三心如何答信謂忍許
云云云云云云云云云云云云云云云云云云云

樂謂愛樂愛是信功故六信樂但有寬狹緣苦集之
信信而非愛如是緣滅道至信信而亦愛今之信者
緣淨土之信信即愛也故云信樂俱舍云信忍樂欲
心淨爲性對治不信樂善爲業已上故觀經釋云至
心者至誠心信樂者是深心欲生我國者是迴向發
願心也今經三心開本願三心也高祖尋云信云愛
者同貪愛歟不爾貪愛煩惱也信愛善心也又於
貪愛而有善惡今善心相應貪愛也故雖云貪愛而
無失大師釋云不貪淨土無生解脫障已上論云愛樂
佛法味已上或可至心句信句樂欲生我國句發樂

志願者同發心所也云第三心強不違性相歟但至
上人御釋以句言便爲正云問十念者諸師異解何
輒定十聲稱佛耶夫言念者心所即明記爲體聲者
色法是語表爲體色心二法既別何云十念即十聲
誰知彌勒問經所說慈等十念彼經云佛言非凡夫
念非不善念非雜結使念具如是念得往生安樂國
土凡有十念何等爲十一者於一切衆生常生慈心
不毀其行若毀其行終不往生二者於一切衆生深
起悲心除殘害意三者發護法心不惜身命於一切
法不生誹謗四者於忍辱中生決定心五者深心清

淨不染利養六者發一切種智心日日常念無有廢
忘七者於一切衆生起尊重心除我慢意謙下言說
八者於世談話不生味著心九者近於覺意深起種
種善根因緣遠離憍慢散亂之心十者正念觀佛除
夫諸想比此願之中而言十念亦云唯除五逆誹謗
正法彼經言十念亦云非雜結使念不生誹謗語意
全同何云繭名之十念乎於彼十念隨成一念亦得
往生故云乃至十念所以寶積經發勝志會說此十
念了云若人於此十種心中隨成一心樂欲往生彼
佛世界若不得生無有是處已上發覺淨心經下同
亦許隨成一心而得

生故法位大辭云是依十法起十念非是稱名十念已如何答一家光明意十念全十聲更非是可諱處凡案三經意三輩之中共云一向專念偈頌之中云其佛本願力聞名欲往生欲往生者當欲生我國聞名之言豈非十念其佛本願非第十八亦言何乎流通之文云其有得聞彼佛名號歡喜踊躍乃至一念當知此人爲得大利則是具足無上功德於正宗中非以本願爲依憑亦如之何又十住論易行品云阿彌陀佛本願如是若人念我稱名自歸即入必定得阿耨菩提已亥忠天台約往生不退於四十八願

中念我稱名本願捨此願求何乎加之般舟經中云跋陀和菩薩問持何法當生其國阿弥陀佛報言欲來生者當念我名莫有休息即得來生上此自說正顯生因行檢四十八願除第十八更無稱名往生本願耶云相傳云答此義吉水上人依願成就文云諸有衆生聞其名號信心歡喜乃至一念等上蓮華谷僧都依次上諸佛稱揚願文云不悉咨嗟稱我名者等上能化被聞衆生之願也次彼願此願即來下衆生聞行之願也鎮內上人依同本異譯正云名號不可求他證歟所謂平等覺經云諸天人民蠕動之

類聞我名字，皆悉踊躍。坐生我國。若不爾者，我不作佛。已寶積經云：若我證得無上覺時，餘佛刹中諸有情類聞我名，已所有善根心迴向願生我國。乃至一念若不生者，不取菩提。唯除造無間惡業，能誣謗正法及諸聖人。已無量壽大乘大莊嚴經云：我得菩提成正覺，已所有衆生求生我刹念吾名號發志誠心堅固，不退。已上但至念聲各別之難者，選擇云：念聲是一。已此亦非上人私義。即引觀經與大集經以爲誠證。加之惠能檀經云：口念心不行，如幻如化。口念心行，即心口相應。已通贊云：二、口念心不念；三、心

口俱念。已迦才淨土論云：念佛有二。一、心念；二、口念。已上何迷念之一字忽云願餘法乎？但至弥勒問經文者，大師釋云：諸佛教行數過塵沙，稟識機緣隨情，非一。乃至更別特別對機別利益別。已妙樂云：部別見別，不須和會。已縱雖異譯此經為本況他經乎？彼旣云非凡夫念此經，正說一切凡夫被經旣云不雜結使此經正說煩惱賊害，何以彼十念全同此十念飛錫禪師法華論云：該諸典位通上一下。已千福釋云：名是聖教互說，往生淨土法門，皆是淨業。何因持彼爲是？此言非但自不解經，亦乃惑諸學者。已若

爾者法位引同不足會通者歟何況彼師具存兩義初義正存稱名十念次義亦釋慈等十念既是難第難兄何引一義難一義乎亦是非治定義何爲盡理釋况約臨終者以稱名十念爲正若爾者彼師釋頗難備難文亦非一向謬解歟彼疏上云此有兩義亦有念一法起十念即是依佛名一法生起十念口稱十聲聲念有十唯一法也亦有念十法起十念口不稱名但心起十念念者是智慧也至若稱名觀即取一法起十念若取十法起十念即依彌勒問經所明若臨終時苦受所逼即取稱名十念比或可彼此十

念橫豎雖異法體本一依不解經一法彼此隔別只是人情殆失佛意所謂豎說十法非是十法各別之行橫說一行非是一行唯一之法此經即是稱名一行橫而含豎莫以一行之名不兼豎等十法功德彼經亦是豎等十念豎而收橫莫以十法之名非是稱名一行所攝若細判之一念稱名各有十法十念稱名摠有百法百念稱名摠有千法千念稱名摠有万法万念稱名豎有億法乃至無量稱名摠亦應有塵數法也即相不退一而非一大師釋云利鋤即是彌陀號一聲彌念罪皆除已宜哉此言故千福禪師

云今修十念願生淨土背生死流順涅槃路趣賢聖法順斷惑門故言非凡夫念不雜結使念如大比丘戒等名聖所受戒豈凡夫不令受耶此亦如是類可知也比義寂大經疏中云此說專心稱佛名時自然具足如是十念非必一一別緣慈等亦非數彼慈等爲十云何不別緣而能具足十如欲受戒稱三歸時雖不別緣離殺等事而能具得離殺等戒當知此中道理亦爾又至又此十念雖凡夫所起非凡夫事故云非凡夫念專心稱佛非餘念間故云不雜結使念如是相續經十念頃一一念中自然具足慈等十念當知此

念堅論其時經於十念橫論其事則具慈等不可以非凡夫念言高推上地於自失脫令修因者生懸涯想已上述大論慈恩史諸師雖不知即相名號明珠光誰遮抑之古人云毛嫱西施善毀者不能敵其好摸母倭僥善譽者不能掩其醜故今對白沙自據得黃金願專淨業人須具乳水眼耳問若余者玄忠大師何釋下下品十念且觀稱二本願十念全可同彼如何答玄忠且釋是何文耶若註上文歟彼釋云但言憶念阿弥陀佛若總想若別想隨所觀緣心無他想十念相續名為十念但稱名號亦復如是已

此釋非直釋通觀佛二歟既經於不能念之上所勸稱名也經文顯然也人師存異義乎但至今釋者付十念之言有時節之念非是一向舉往生行之念是故上舉時節之念云此中念者不取時節也了有但言憶念等之釋自然付往生行道云十念者有觀稱之一可尺之非直下下品十念言亘觀彌歟爰以上尺在心在緣在決定之三義下註云聞其名者三毒之箭自然拔出已是非言名號乎又下卷讚嘆門下尺口業讚嘆云名體不離之名比西河云第十八願尺臨命終時十念相續稱我名號比光明判此願云

稱我名號下至十聲如上千福尺第二念門五念門中云口業念佛門已師資相承言十念者是稱名也勿致疑慮或可玄忠釋舉觀念十念况稱名十念知稱名十念彼師正尺觀念十念是爲令知十念之言所舉別說所以釋云心無他想名爲十念但稱名號亦復如是已此則稱名號已下釋下下品十念爲成此釋舉觀念十念也云問文云唯除五逆誹謗正法比是何罪耶答言五逆者殺父殺母殺羅漢出佛身血破和尚僧如委釋誹謗正法者玄忠尺云若言無佛無法無菩薩無菩薩法如是等見若心自解若從他受其心

決定皆名謗正法。上總論謗法大分有四。細分成九。
言四種者一上品邪見。因果之法。二中品邪見。但言
不及此。有兩種。二者法相。實謂三寶不如。二者非法相。
如三外道。並前上邪即成三種。三下品邪見。棄天取小。并
前成四。四雜邪見。分此爲四。一者偏執。此亦有一。
執大謗少。唯大乘非佛說。二偏謗一部。偏言一部。
並上成執大謗少。非佛說也。並上成
六二者雜信。雖不背大乘三寶。但欲斷煩惱取小果後
信小乘。更修大乘。此名忘退也。並前成八。四者思議
僻謬。是我智力不及。非是強撥。並前成九。若連名
目。即成十二親分別義。只是九種謗法罪也。問觀經。

下下品云五逆十惡具諸不善具足十念即得往生
比今願除逆相違如何答此事難測故太唐國中諸
大法師異義且千群疑論中且舉十五家之義本朝
亦慧心僧都成立一義私亦存二義云云別紙但依一家
大師釋義以抑止攝取二門釋成其義所謂此經抑
止未造者故云除逆觀經攝取已造人故云往生各
據一義并不相違尋云所云抑止者是誰人抑止耶
答難知或可弥陀抑止歟願文不可加餘言故云難
云不取正覺之外有此文知釋迦抑止也如何答不
取正覺之外有此文故知弥陀抑止也言彌陀實知

逆者應生不取正覺誓之後抑止未來造逆之人可
加此言故知應彌陀歟云釋迦之義未極成也重難
云餘願中有應除之事皆置不取正覺之上是彌陀
除也所謂第十五二十二兩願是也是已置不取正
覺之下知是釋迦唯除也如何答彼可實除故置不
取正覺之上此實應攝故置下也故例證不齊也夫
實不可依文上下於本願文不可加餘言故但是彌
陀唯除也寶積經說第十五願云若我成佛國中有
情壽量有限量不齊者不取菩提唯除願力而受生
者比今經不取正覺之上云除其本願彼經置不取

菩提之下以今十五推彼十五知弥陀唯除也何限
第十八以在不取正覺之後言釋迦唯除耶若言異
譯不用者彼經新譯四十八願具足何不依用耶云
又重難云疏第四卷云如來恐其造斯二過方便止
言不得往生等之釋可云釋迦抑止歟答彌陀云如
來有何失耶云或可釋迦抑止也云一般師說不取
正覺之句是結本願之誓言也誰知翻經三藏就抑
止門如此二句譏未造之人也法藏比丘自本除此
二罪者不取正覺之前可置此二句也例如第十五
并二十二願已上隆寃未必然也大師高判已云如來恐

其造斯二過方便止言不得往生亦是非不攝已又云不可令捨流轉還發大悲攝取衆生已全所不見譯人抑止設雖練磨義三藏法師何於佛說有禪語耶未在未在願成就云諸有衆生聞其名號信心歡喜乃至一念至心迴向願生其國即得往生住不退轉唯除五逆誹謗正法上來迎者是第十九來迎引攝願亦云聖衆來迎願亦名臨終現前願文云十方衆生發菩提心修諸功德至心發願欲生我國臨壽終時假令不與大衆圍違現其人前者不取正覺已問設無來迎願修因決定感果定有何煩立此願耶

答出離曠劫大慶山魔王作障導業繫纏縛不因佛
來迎接何輒出離乎俱舍頌云將得忍不還無學業
爲障已若欲得忍法四惡趣法爲障若欲得不還無
學亦次欲界三界業繫爲障況出離三界生大乘善
根境何無障難耶慈華經云以見我故離諸障是已
稱讚經云慈悲加祐令心不亂已大師釋云命欲終
時佛與聖衆自來迎接諸邪業繫無能導者等已此
願利益如此云問文云發菩提心修諸功德至心發
願欲生我國等已是可云諸行生因願耶答不然修
諸功德來迎由致也故以現其人前爲願體也言生

因第十八願也來迎。被生因行人雖然不可捨修諸功德之機。故因言云修諸功德等而意但念佛來迎也。故群疑論中名迎勝即此謂也。況云諸行生因乎。願成就文中雖舉諸行於念佛行置一向言上人依一向之言立廢立爲正之義何於此願還存諸行本願義耶。云難云若言諸行非生因者何。凡夫行成報土生因耶。答諸佛有通有別。別者本願各別。故通者諸佛功德同。故若他佛別願向此佛納惣願。此佛別願向他佛又納惣願也。故餘佛餘行願生因之功德向彌陀之時成惣願而凡夫餘行成報土生因之時

向此機發來迎願也。起體而論之。此願來迎念佛之機而爲本意。餘行生因機自起。切德可生故傍來迎此機籠願也。若諸行同念佛而生因願者第十八所選擇餘行一列願中又取還可願生因之事不可然也。總而諸佛各任意樂片落事非適今也。万事懸入別願無其謂也。弥陀無除病之願。樂師無往生願皆意樂別耳。問文云假令等旨如何。答當來之事當時不決定故云假令也。與設我之設意同。云問此願得名云來迎願。然父即云現其人前爾者來迎與現前同異如何。答大旨同也。徂來迎偏限事相其來迎

不來而來不迎而迎云現前言佛自證周備法界而無去來不信者不感有信者感見此時佛現前說來迎也故意大同義少異願成就文三輩文也係念者是第二十條念定生之願也亦云三生果遂之願亦名願後往生願言異意同父六十方衆生聞我名號係念我國植諸德本至心迴向欲生我國不果遂首正取正覺已問此願本意如何答十八十九順次生願於此願中雖有聞名後念其善劣弱不順次生故遂成宿善而三生等可遂往生願也植諸德本之言此之謂也問下種已後而得遠果理數之令然也何發遠

生願耶况云至心迴向發生我國此人何以順次不果遂往生半答先會利難者若無此願者可及多劫促其數非是願力乎凡佛菩薩之胃種熟脫之三始終無廢也吞鉤魚之譬可合此願云又會次難者以過現現未之二門可會之也若約過現門者過去殖諸德本者現在至心迴向此人迴向之後順次往生淨土本善在過去故非順次之願也若約現未門者現在殖諸德本他生至心迴向第三生等往生善本與往生非一世故屬宿善願也已上相傳蓮華谷毗之問言至心迴向往生者本願力非強緣如何佐个問也

答今至心迴向者以佛力令至心迴向也以常途至
心不可難之此願意是小鎮西御答又九品往生義釋第
三生往生所限偏釋亦順次生是也但彼釋爲言順
後業願可云第三生意足第三生已後詞足順後業
也一般師說就此願有揔別二意別者此果遂者十
八十九願意未窮事窮成故也揔者始從無三惡趣
願至得三法忍願皆不果遂者不取正覺之願也但
一一願下不云不果遂者不取正覺次十八十九願
之下置之事置一一願下之意也所以者何十八生
因願也來迎合十九願也此衆生可生國土之相而

云無三惡趣不更惡趣等而言得生生可具足五神
通至第十六願願國土也第十七諸佛稱揚名號十
方衆生至心信樂乃至十念念佛之人往生之時願
來迎可生云十九願也於此生因來迎之下可果遂
事成就此衆生之生國土乃至天眼人耳等可具足
此願一下演故置一一願之意也則揔指四十八
願而言不果遂者不取正覺也別者十八十九願取
返爲治定云不果遂者等也所以者何十八願云至
心信樂欲生我國至心者至誠心也信樂者深心也
欲生我國者發願心也而無迴向之詞又十九願云

至心發願欲生我國而無信樂之詞也所以於十八願無迴向之言者信正定業之外別不可有故而言信樂不置迴向也故選擇云不迴向之行十九願云至心不置信樂信樂者深心就正定之業不依餘行故也用至心至心者至誠心也至誠心者分別餘行思餘行不可之心也故思以願力可生也以是修諸功德之下不置信樂而置至心也此修諸功德之往生故二十願顯之也然者言設我得佛十方衆生聞我名號十八願乃至十念也思聞此名號係念我國而生言植諸德本者十九願修諸功德也然則顯迴向聞我名號之上修諸功德之義故十八十九不置迴向之言以是云至心迴向欲生我國不果遂者也若十八願置迴向之言者他力直因不可顯若十九願置迴向之言諸行成往生因若爾者念佛諸行卉成生因念佛可成万行隨一也然二十願引合上十八十九兩願顯聞我名號故修諸功德者成往生因也然則於四十八願中以十七十八十九二十四箇願而爲法體也其取治定十八十九在二十願於此願中聞我名號上迴向植諸德本成彌陀因中皆往生行義有之如此義是聖道法門也非淨土法門生

因者正定業也以此名號生之機言根性不同樣開諸行也此則顯別願之意也已上未必然也先總別果遂共以難得意法門也此二義共以二十願屬餘願果遂若爾者成四十七願於二十願別無體故豈非理不盡義乎彼云別者十八十九未窮成也云今六此義不然云十八願不假他願一一皆成就若言假二十願力成十八十九願者生因十八願有求極成之失何爲王本願耶彼云總者於一一願下可置不果遂者言置生因本願之下通意於諸願也云今云於一一願下既云若不爾者不取正覺此外何亦

待不果遂者之言耶非但失二十願之體又有不見一一願若不爾者之言之過彼云於十八願無迴向心云今云此義殊以非也凡迴向發願狹直差全以一心也若迴若願舉二顯二何言欲生我國發願外又無迴向心故十八願未窮乎經云三者迴向發願心已上若別體何不云迴心耶淨影疏云直爾趣求說乏爲願狹善趣求說爲迴向上是直狹雖異大是一心也然大師意未必可爾大師釋云亦是發願迴向之義已上又云迴願往生無量壽國已上是即迴向發願無別體分明者乎是故上人觀經私記云今此三心

者開本願三心也至心者至誠心也信樂者深心也
欲生我國者迴向發願心也比何云欲生我國一句
唯是發願而已無迴向心乎彼云十九願云至心發
願欲生我國無信樂言云今云若如此義修諸功德
者不具深心願來迎乎若少一心即不得生之釋如
何可得意彼云十八願云信樂不云迴向正定業信
之外無別故選擇云不迴向之行云今云此義甚非
也大師十願十行釋云亦是發願迴向之義故不具
迴向不可得意引此釋所成不迴向迴向對何云不
具迴向耶只是言正行純亦隨事故別不用迴向意

樂往運迴向發願念念俊念願生行也何以不具迴
向云不迴向乎其上彼正雜二行相對五番也五種
正行皆不迴向之行也爾者助業不具迴向得往生
歟若爾者汝義自破彼云十九願云至心不置信樂
深心信正定業不依餘行故也至誠心思餘行不可
也以願力而生心故舉之云今云深心者有三重信
相何偏云正定信而已大師釋云就行立信者然行
有二種一者正行二者雜行比指就行之行而云然
行等云何不宜二行但是初重只是文言具略而無別故
何云於十九願無信樂乎况自利真實之下立十重

默欣奉行三業諸善何言思餘行不可名誠心耶彼云四箇願而為法體其取治定十八十九二十願在之云此義雖前加難破猶以不審也言生因本願不待二十願未治定之義頗失願王德之條學解未在故歟云只是十八十九二十三願正凡夫往生願也故觀念門引此三願攝生緣於中十八念佛生因願十九願念佛之人來迎傍意攝諸行之人來迎故修諸功德者以念佛為體豆餘行也二十係念佛定生願也至三生等願行具足時或念佛或餘行不可一準但佛意是念佛也故植諸德本者以念佛為

體豆餘行也但至聞我名號者舉所歸故無失尋云係念我國者為三心如何答或可未必三心只是欲生係念分未入三心域之少分欣求之心也故不順次生或可是三心也雖是三心以退失故而得順後生益以二十願所乘之機有多類故無失應知尋云此願所乘機中至第二生等或修念佛得往生可云二十願所乘機耶為當可云十八願所乘機耶答異義遙也且當流相傳定二十願得分也云願成就云曾更見世尊則能信此事比

釋淨土二藏義卷第二十四

